



FYLKESMANNEN I SOGN OG FJORDANE

Lia Laks s.u.s.
v/ Svein Lien
5980 Hardbakke

Dyktar ref.

Vår ref.
98/1256-2/542.1/pej - A

Leikanger
05.03.98

SOLUND KOMMUNE - LIA LAKS S.U.S. - SF/SU 11 - UTSLEPPSLØYVE FOR SETTEFISKANLEGG

Vi viser til oversending frå fiskerisjefen dagsett 17/2-98. Søknaden gjeld utviding av eksisterande settefiskanlegg frå 300 000 stk. til 600 000 stk.

Med heimel i ureiningslova frå 13 mars 1981 nr.6, § 18, jf T-3/93 frå Miljøvern-departementet, gir fylkesmannen i Sogn og Fjordane med dette Lia Laks s.u.s., SF/SU 11, løyve til utslepp til luft og vatn frå eit anlegg for oppdrett av settefisk av laks og aure ved:

LOKALITET	KOMMUNE	UTM-KOORDINATAR
Lia	Solund	279800 6775700

Løyvet gjeld under føresetnad av at vedlagde vilkår blir følgde.

Totalt har verksemda løyve til å drette opp inntil 600 000 stk, sjødyktig settefisk.

Løyvet gjeld frå det tidspunkt anlegget har fått konsesjon etter oppdrettslova. Dersom anlegget ikkje har etablert seg innan 2 år, må det etter § 20 i ureiningslova givast melding til fylkesmannen, som avgjer om det må sendast inn ny søknad. Løyvet omfattar også utslepp frå reingjering av nøter og anna produksjonsutstyr, medisiner og avfallshandsaming knytt til drifta.

BAKGRUNN FOR SAKA

Søknaden gjeld utviding av produksjon frå 300 000 sjødyktig settefisk til 600 000 sjødyktig settefisk. Ved å auke produksjonen kan bedrifta levera smolt fleire gonger i året, og produsera både 0-årssmolt og 1-årssmolt.

GRUNNGIVING FOR AVGJERDA

Anlegget har avløp i Liasundet. Sundet er relativt ope og djupt, men har tersklar i båe endar, noko som truleg fører til at utskiftinga av djupvatn i sundet ikkje er god. Kloakken frå Hardbakke blir ført ureinsa ut i sjøen omlag 1,5 km sør for den omsøkte lokaliteten.

Adresse
Tinghuset, Skrivarvegen 3
Postboks 37
5842 LEIKANGER

Telefon
57 65 50 00
Telefaks
57 65 50 55

Landbruksavdelinga
Hafsladvegen 48
Postboks 14
6801 FØRDE

Telefon
57 72 32 00
Telefaks
57 82 12 05

Anlegget har i løve dagsett 15.07.86, med vedlegg krav om partikkelfjerning frå avløpsvatnet. Dette kravet blir ståande. Fylkesmannen kan krevja analyser av avløpsvatnet.

Fylkesmannen reknar med at det ikkje er stor fare for opphoping av organisk materiale ved avløpet ved forsvarleg drift. Fylkesmannen krev resipientgransking, og kan pålegga ytterlegare reinsing av avlaupsvatnet.

OPPLYSINGAR OM KLAGERETT M.V.

Partane i saka kan klaga avgjerda inn for Statens forurensningstilsyn (SFT) innan tre -3- veker etter at samla avgjerd (konsesjon) er motteken frå fiskerisjefen, jf. forvaltingslova § 28 kap. VI. Klaga skal ein grunngi og sende om fiskerisjefen. Dersom løyvet blir påklaga, kan fylkesmannen eller SFT gi oppsetjande verknad på den påklaga delen, til det er teke endeleg avgjerd i saka.

Partane i saka har rett til å gjere seg kjende med dokumenta i saka, jf. forvaltingslova §§ 18 og 19. Fylkesmannen vil kunne gi nærare opplysningar om handsaminga av saka.

Løyvet frittek ikkje frå erstatningsansvar for ureiningskade etter ureiningslova § 10 og kap. 8.

Alle verksemdar med tilsette arbeidstakarar er pliktige til å ha eit internkontrollsystem som sikrar at lover og reglar innan: Helse, miljø og tryggleik blir følgde (jfr. § 52 b. i ureiningslova, og internkontrollforskrifta). Med miljø meiner vi her ytre miljø, -utslepp til vatn og luft, avfallshandtering, lukt, ekstern støy m.m. Internkontrollsystemet må mellom anna sikre at alle lover, forskrifter og løyve som kan ha noko å seie for påverknaden av det ytre miljø ved/rundt anlegget vert ivareteke.

Med heimel i ureiningslova § 73 kan fylkesmannen fastsetje ureiningsgebyr til Staten for å sikre at tiltak, og pålegg gitt med heimel i ureiningslova blir gjennomførte.


Ved nedlegging av drifta, t.d. grunna ein konkurs, skal det givast melding om dette til ureiningsstyresmakta, jf. § 20 i ureiningslova.

Dersom fylkesmannen finn det naudsynt, kan ytterlegare tiltak bli kravd frå verksemda for å redusere eller hindre ureining frå anlegget. Eventuelt kan det bli kravd at anlegget blir flytta, jf. ureiningslova §18.


Eigaren av anlegget pliktar å la representantar for fylkesmannen og dei etatar og institusjonar som fylkesmannen gir fullmakt, inspisere anlegget (jf. § 50 i ureiningslova).

Vi gjer for ordens skuld merksam på at det er ulovleg etter ureiningslova og straffelova å unnlata å etterleve vilkåra som er sett til drifta.

Med helsing



Anders Andersen
fung fylkesmiljøvernsjef



Bjarne Nes
Fung.seksjonsleiar

Saksbehandlar: Pål Erik Jensen, 1. konsulent, tlf: 57655165

Kopi :Fiskerisjefen i Sogn og Fjordane, Postboks 274, 6701 MÅLØY
Fylkesveterinæren i Hordaland, Sogn og Fjordane, Boks 61, 5032 MINDE
pej(2),Vass

VILKÅR FOR LØYVET

1. UTSLEPP TIL VATN

1.1 Fôr

Ved fôring av fisken skal tap og spill av fôr reduserast mest mogleg.

Det er berre tillate å bruke tørrfôr eller mjukfôr.

Definisjonar:

Våtfôr: Heil fisk, slo, eller oppmalt fisk/avfall tilsett bindemiddel.
Konsistensen av oppmalt våtfôr er deigaktig.
Tørrstoffinnhald < 40 %

Mjukfôr/pellets: Oppmalt fisk/avfall, tilsett så mykje bindemiddel at den kan fôrast ut som pellets utan å gå i oppløysing.
Tørrstoffinnhald > 50 %

Tørrfôr: Tørrstoffinnhald > 90 %

1.2. Medisin/kjemikal

Bruk, lagring og utslepp av medisin, insekticid, desinfeksjonsmiddel m.v. skal skje i samsvar med regelverk/retningslinjer frå veterinærstyresmaktene.

1.3. Sanitæravløp

Utslepp frå sanitæravløp frå personalrom m.v. må godkjennast av kommunen i samsvar med reglar for spreidde avløp.

2. UTSLEPP TIL LUFT

Fôrlagring, spyling, reingjering og tørking av nøter, handtering av avfall og andre aktivitetar ved anlegget skal gå føre seg på ein slik måte at det ikkje fører til nemnande luktulemper for naboar eller andre.

3. STØY

Anlegget skal utformast og drivast slik at det ikkje oppstår urimelege støyplager. Som minstekrav skal immisjonsgrensene i "Retningslinjer for begrensing av støy fra industri m.v." (TA-506) oppfyllest.

4. AVFALL OG SLAM

4.1. Produksjonsavfall og slam

Død fisk, slakteavfall, fôrrestar, slam, feitt m.v. skal handterast på ein slik måte at det ikkje oppstår ureining.

Død fisk skal takast opp av sjøen minst kvar dag i sommarhalvåret og annankvar dag i vinterhalvåret. Når det døyr meir fisk i anlegget enn vanleg, skal opptaksfrekvensen aukast tilsvarande.

Oppsamla død fisk skal konserverast omgåande ved ensilering, frysing, e.l. og førast til eige lager. Ved ensilering skal fisken kvernast.

Oppdrettsanlegget skal ha ein kriseplan for å handtere store mengder død fisk, ved t.d. algeoppblomstring eller sjukdom.

Antibiotikahaldig død fisk og anna antibiotikahaldig avfall eller slam skal lagrast i eige lager. Lageret skal ha nok kapasitet, både til avfall ved vanleg drift og avfall ved sjukdom.

Oppsamla avfall som ikkje inneheld antibiotika skal utnyttast til förprodukt eller gjødsel/jordforbetningsmiddel.

Dumping av død fisk og anna avfall i sjøen er ikkje tillate.

Nedgraving og forbrenning er ikkje tillate utan skriftleg løyve frå ureiningsstyresmakta. Evt. søknad om nedgraving av smittefarleg fisk må òg rettast til fylkesveterinæren.

4.2. Medisin og kjemikalrestar

Unytta restar av medisinför, antibiotika, insekticid og andre miljøfarlege stoff, inkludert emballasje må samlast og lagrast forsvarleg før det blir henta av, eller brakt til, produsent, eller annan godkjent mottakar. Det same gjeld oppsamla antibiotikahaldige förrestar og ekskrement.

4.3. Anna avfall

Emballasje, plast, papir, isopor, hushaldningsavfall og avfall som ikkje kjem inn under pkt. 4.1. og 4.2. skal dersom det ikkje kan brukast av verksemda eller gjenvinnast, leverast kommunal renovasjon eller godkjent avfallsanlegg for slike avfallstypar. (Sjå òg "*Forskrift om sortering, oppbevaring og levering til gjenvinning av brunt papir*", T-1029.) Verksemda må kunne dokumentere avfallsmengde delt på ulike typar.

4.4 Spesialavfall

Spesialavfall skal lagrast på ein forsvarleg måte, og skal leverast attende til leverandøren, eller eventuelt andre godkjende mottakarar. (Jf. "*Forskrift om spesialavfall*" frå 19. mai 1994, T-1037).

4.5. Slamfjerning

Dersom det er nødvendig med slamfjerning frå sjøbotn må det søkjast om eige løyve til dette. Skriftleg søknad som fortel korleis slammet er tenkt transportert og disponert skal sendast til fylkesmannen. Grunna smittefaren må også veterinær-styresmaktene vaslast.

Oppsamla slam skal om mogleg nyttast til gjødsel/jordforbetningsmiddel.

5. LAGRING AV MEDISIN OG KJEMIKAL

Medisin, insekticid og kjemikal skal lagrast forsvarleg og avlåst slik at det ikkje er tilgjengeleg for uvedkomande.

Lagerlokalet skal utformast slik at spill ved uhell e.l. kan samlast opp, t.d. ved hjelp av oppsamlingstankar/kantar med tilstrekkeleg volum.

6. KONTROLL

6.1. Rutiner for vedlikehald

Verksemda pliktar å føre jamleg tilsyn med fõringsutstyr, eventuelle reinseanlegg m.v. slik at desse alltid blir drivne mest mogleg effektivt. For å sikre dette skal verksemda regelmessig drive førebyggjande vedlikehald og ha eit rimeleg reservelager av dei mest utsette delane.

6.2. Journalføring/kontroll

Verksemda skal regelmessig registrere og journalføre følgjande data:

- | | |
|-------------------------------|----------------------------------|
| * Fiskemengde | * Mengde oppsamla slam med |
| * Fõrtype og fõrforbruk | antibiotika, og disponeringsmåte |
| * Mengde rømt fisk | * Avfallsmengder og |
| * Mengde død fisk | disponeringsmåtar |
| * Bruk av: | |
| - Antibiotika, type og mengde | |
| - Insekticid, - " - | |
| - Andre kjemikal, - " - | |

Journalen må takast vare på ved anlegget i minst 2 år og vera tilgjengeleg ved kontroll.

6.3. Årsrapport

Kvart år skal det utarbeidast ein rapport for fylkesmannen som viser siste års produksjon, avfallsmengder og -handtering, og dessutan forbruk av fõr, medisin m.m. Årsrapporten skal leverast på standard skjema og skal innehalde ei samanlikning av verkelege og lovlege mengder/tilhøve. Eventuelle overskridingar må kommenterast.

Årsrapporten må sendast fylkesmannen innan 15. februar det påfølgjande året.

7. RESIPIENTGRANSKINGAR

Ved desse lokalitetane skal det innan dei oppgitte tidsfristane vere gjennomført resipientgranskingar og levert rapport. Rapporten frå granskinga skal vere registrert hjå fylkesmannen innan fristen går ut.

LOKALITET	TIDSFRIST
Lia	31.12.2003

Når det gjeld omfanget av resipientgranskinga, tilrår vi at De tek kontakt med fylkesmannen i god tid før gjennomføringa. Det vil komme nye krav til innhald i ei resipientgransking i 1998. Omfanget av den vidare overvakinga av miljøtilhøva i området, vil bli vurdert etter kvart. Dersom fylkesmannen finn det nødvendig, kan såleis ytterlegare tiltak bli kravde frå oppdrettsanlegget og verksemda knytt til dette jf. ureiningslova § 51. Eigaren av anlegget kan også påleggjast å betale ein høveleg del av kostnadene ved eit kontrollprogram for området der anlegget er plassert.

8. ANDRE VILKÅR

8.1. Eigenkontroll og ansvar

Verksemda pliktar gjennom instruksar, kontroll og andre tiltak å syte for at drifta av anlegget skjer slik at ulemper og skadeverknader blir mest mogleg avgrensa.

8.2. Akutte utslepp

Verksemda pliktar å gjennomføre tiltak med sikte på å unngå akutte utslepp av t.d. antibiotika, kjemikal osv.

Dersom det oppstår akutte utslepp skal fylkesmannen varslast så snart som råd. I samsvar med rundskriv T-914 frå Miljøverndepartementet, skal også brannvesenet varslast ved større akutte utslepp frå industri på land.

8.3. Nedlegging, eigarskifte, konkurs

Ved eigarskifte, inklusive ny eigar etter ein konkurs, må det givast melding om dette til ureiningsstyresmakta innan - 4 - fire veker. Det same gjeld ved namneendring.

Verksemda er ansvarleg for opprydding på det nytta området, jf. ureiningslova § 20.